

553(10)

*Divorce amongst the
Maune Ndebele.*

M.E.Ledwaba

1
3

0-16

Thero kxotleng.

K34/11

Hlalo.

1 Monna xe a hlorisana le mosadi ka xae ba sa phedisane ka khutso xantsi ba ba ba hlalane.

Xe ba sa thoma molato o tla dulelwa ke ba ka xae ba leka xo sola bana ba bona. Kona ba tla re ka xobane ba tenane ba fela ba fotolana. Mosadi o ba a tshabe a ngalele xa xabo.

2 Eyale ba bo monna ba tla ba ba lata mma bona xa xabo. Ka fao xe ba fihla (ba romile motho) ba a dumedisa mrankwana ke xe ba dumedisa mong motse. Re romilwe ke ba xa Ledwaba ba re, re tlo nyaka mma! Xona xa ba rialo o tla kwa mmaxwe xe a xalefile mpnee e tima mollo nawana wo wa ka xape xa a se a ntene. Ledwaba xe a re o tla keta diketo ka ngwan'a ka o tla itulela - athsi! Raisibe xa a ye. Le xo mo nywala xa la mo nywala ka selo. O itulele wena Raisibe.

Banna o tla ba kwa bona. Xape xa re se ra tlo rera ditaba dithsele tseo tsa lena tsa basadi, re nyaka taba Ledwaba a re botse xore sebakwa ke eng. Xo tla bitswa mosadi a botsiswa seo a se ngaletsexo ba botsisa le wena xore na o mmethetseng. Le tla itharolla ka moka xwa hwetswa yo a lexo phoso taba ya ahlolwa Ledwaba a boela xae, ka moswana motho o a rongwa o tlisa mosadi yola xa xaxwe.

3 Mmutla xe o tennwe ke sekxotla o se sokla ka moraxo wa re se nthsenyetsa boya bya ka. yeo a naxo le mosebelele o tla thoma xape. Ka moraxo e tla ba ya rwalana ya isana kxorong banneng ntoneng. Fao le xona banna ba tla leka xo hutasetsa batenani bao, e tla re ka xore boxadi bya nkxa bo nkxile le bona banna ba kxoro ba tla sitwa xo fetsisa mathswenyexo ao. Fela bona yo ba

humanaxo molato o mo lahla ba a mo inamisa ka thupana nyane
ke xore o a lefa a be a nthse pudi ya manganga! Ilaxa! Pudi ye ya
apexwa kxorong banna ba e ja le yena selefa-molato xe e le monna
o a e ja le banna ba e ja le yena ka moka.

Xe di dutse di ya pele le pele monna byale o nyaka kxomo
tsa xaxwe. E tla ba ya rura ya ya kxotleng mosate. Mosate
maxaxa matala malekelekeng xa bata tsa xo loma tnsikhiriri xa
mmanhiriri ngonyama sebanda mahlo a bomvu Thobela.

Hee! O re mosate o raloka na ngwana ka? Xe ba re, ke
maxaxa matala malekelekeng, o re ba dio bolela fela? Miboleledi
tseo di rexo di tseba polelo di bina tlang-puleng, bolelang.
O tla di hwets di putswa bo tsokotla forohla melomo sa mahura
o lleng kxalabye tsa mafatla. Ke mo o tlang xo kwa xore molato
ke eng.

4 Byale xe monna a fihla a di lahlela xona xa bata tsa xo loma
ba bo mosadi le bona ba tla romelwa motseta ke ba mosate xo ba
tsebisa xoo ka tsatsi la xo ema le re ba a nyakexa kxotleng.
Mo xa xo nataba ya sephiri xoba ya xo siisa, ka moka di bexwa
pepeneneng. E sexo lena le rexo re bone komisare (Commissioner).
Le rera melato ka dihlatsa tsa maaka (salicitors) di hlatsa
taba di sa e tsebe. Huswa! Bafeane tenang Theletsa ke xo botse,
tsa kahlole ya xeso, Xaa! Rera melato ka dithselete, molato xa o
byalo ngwanaka . Xe ba fihla kxotleng ba bexwa mo xare xa batho
yeo a isitsexo molato pele a botsiswa ka mo a llaxo ka xona ka
mosadi wa xaxwe. Mosadi le yena a thoma xo laodisa tsa xaxwe.
Byale xe ba boletse ba dula fase, monna wa kxotla a di thsela banna
banna ba ya natso ba dutse ba botsisana le xo botsisa banna bao ba
ilexo ba dulela taba ye, le bona ba fetola ka mo ba e sebaxo ka
xona. Byale xe banna ba kwele taba tsa batho bao ka mokaba
napile ba hweditse e lexo taba-taba .

4 cont.

Mosetsana o tla botsiswa xa e ka ba o sarata monna wa xaxwe le monna byalo. Xe xo se yeo a rexo ke a hlala yeo a hweditswexo molato o nthra kxomo ya xo tswalela kxoro le nku ya manganga-hlaxa. Kxomo yeo ke ya mosate kxosi e e hlabela banna ba kxotia ya nthswa ditho tsa batseta.

Ge o mongwe a ka bolela gore yena o a hlala o lahlegile ga gabu ke thabeng. Ge monna ka bolela bjalo, dikgomo le bana ba lobile. O swanetse go thoma gape a nyake tse dingwe gore a tle a nyale mosadi yo mongwe.

Ge mosadi a ka bolela bjalo le yena o tseelwa bana le dikgomo tsela tsa go nywala. Ge e ka ba dikgomo tseo di setse di nywaletse kgaetsedi tsa gagwe di yo tsewa gona kowa.

Bjale yeo ke taba e kgolo ka gore ge kgadi e hlala e hladi le dikgaetsedi. Bomogadibo'agwe le bona ba swanetse go boela ga bo bona.

Le bona ge e ka ba kgomo tseo di be di setse di nywaletse bangwe le bona ke sona seo ba boela magae ohle. Taba ye e bile ya dira gore monna le mosadi ba hlomphane ka go tseba taba ye e mpe.

Lena ka Sekgowa sa lena sa go se nywale ga re tsebe gore na le rera bjang melato e bjalo. Le re motho a le fe ngwana wa gagwe bohle. Le ithsipile bafeane bao ba Sekgowa molato o sa rerweng go rerwa tshetele. Ba se nago le taba le motho ba tsebetse tshetele mahlo. Badiitsana bjale bona ba tla hwela kae? Bona ba tla hlwa e le ba kgolego ka baka la go hloka tshetele tseo tsa lena? Ge banna ba rerile taba kgotleng e iswa selepeng (kgosing) le yena a sa kahlolo ya gagwe.

END. S. 553